



毒母贈言記

和16
1064



門和16
編1064
卷



壽母贈言錄序

石城劉君清溪以拔萃試令江蘇屢權建康兩
首邑道光壬寅初春其壽母尹太君年六十清
溪臚行治告寅好同人因各為詩文以歌頌之
是年夏季予始自豫章返建康為僑民與清溪
未相聞次年清溪見訪山中出示所述 太君
事略并欲擇壽言之尤付剗劂為錄以章 母

明治三十九年十一月八日
市島館長 氏寄贈

德而錄序以屬余壽言始見南宋盛於有明凡
仕宦之家於其親誕彌之辰必乞言能者以侑
觴近世尤尙此業是以數百年來名流詩文集
壽言幾半然未聞膾炙人口傳誦不置者則以
其意主徇人事鮮實而體不尊故也蓋人子所
以稱親者常恐不至至母氏行在閩闈非閩族
親串莫能詳而今從仕必隔省去家都數百千

里易爲侈說且恐尋常不足耀觀聽每摭取奇
節特行以資聳動奇特既已習見則仍等尋常
故壽言卽出能手不免陳陳相因莫能致貴重
謂母氏行誼固難爲考實而觀其子之學行則
可知矣驗其子之政事尤可知矣清溪早歲孤
露文學夙成以寒峻驟涉脂膏地而能不改其
初勤聽斷重然諾一行作吏而舊業不蕪上游

倚重而窮檐無怨惡其所漸漬於母教者可知
况其稱述 太君又皆日用行習之庸德其不
為溢美誣親又可知也宜諸君所作質有其文
而可觀采也記有之將為善思貽父母命名必
果清溪之刊布是編其以此也夫 了 故揭此義
於錄首以告讀者

道光癸卯仲春之吉安吳包世臣譔并書

道光二十二年歲壬寅

同纓

攝江寧令正月十六日為吾

母六十生辰廣蒙

大人先生競惠篇章為慈親壽或詩或文或詞或歌燦著
琳琅各擅其勝哀而輯之得百五六十首 同纓 伏讀以還
於欽感中尤深惶愧未敢使珠玉久湮扁鐻謹刊布之以
公同人其章次之先後編列一以見惠時之先後為次序
云

江右劉同纓謹識

白下蔣新心楣校字

例封孺人家慈尹太君節畧

壬寅正月既望為吾母六十壽辰纓且喜且愧宦遊數千

里朝夕得領慈訓以備官惟不能如古大賢之為子使

母賢得其子而賢益彰心竊媿焉然為子不足以彰 母

之賢而又不敢使 母之賢遂隱而不一奉告

諸君子也纓四歲時猶及見 祖母其時不知 祖母之

依吾 母亦如纓之依吾母也何故 母以順姑者順夫

耳 先君孝恭聞於鄉族先君以孝 恭銘旌 昆季五 祖父母獨

就 先君居 母體察之推而至於妯娌子姪無不得其

歡心 先君之德 母內助之力亦多 先君鄙營謀廣

交遊樂施濟 母黽勉就之纓 稍長家資日落而延師供膳惟豐友人至亦加意款待凡以為纓之進學計也纓 間好弄譴責立加鄰有以一子且姑容勸者輒應以子多尙可旁貸一子不成無他望也人咸服 母言之切至奈纓 補弟子員 先君見背家徒壁立矣迫而離 母居館米鹽零雜惟 母握算統計 母之從 先君及纓耐清貧者卅餘年今迎養在署正思有以奉吾 母者 母先誠纓 曰吾憶爾父論及縣官之貪與酷每切齒吾初不願爾之為刑名官也而在今日用刑惟輕即有時宜從重者必出於不得已不可有玷清聲爾能不忘秀才本色吾猶能

為秀才之母且吾為秀才之妻爾親見者也獨至應酬外事居官與居家異吾婦人不與聞而弄孫自樂教誨惟嚴待下雖寬嬉笑必禁至服御之無華操作之不懈一如在家時初母之從 外王父也 外王父務農勤儉起家始甚貧後頗饒裕 二舅氏名就二中表學亦垂成其忠厚之報不爽鄉里舉為鄉飲大賓母之德性殆有所本歟纓 雖不賢有 母如此諒 諸君子直謂纓之喜不自禁也倘蒙 錫佳文以彰之是所翹足而待若以為乞言為吾 母壽則纓 豈敢 劉同纓謹呈

壽序

江蘇學政 毛式郇

江寧太守 樊師仲

候補太守 曹聯桂

江寧府經廳 姚文

泰州牧 陳玉成

東臺大令 葛起元

江寧府檢廳 王炳

署江寧江防分府 黃維棠

如臯大令 范仕義

上元縣 嚴偉

署江寧管糧分府 周承基

署泰興大令 林向榮

江寧縣 呂嘉坊

署江寧理事分府 李彭齡

銅山縣 趙毓丹

署泰州少尉 趙彬

署江寧南捕分府 管敬修

蕭縣大令 成錫慶

江寧北 孫炳煒

署 大令 姚 儲

海門 王紹復

大令 杜 浣

分府 克什泰

大令 袁鳳鳴

署海州 周維新

大令 張心淵

直隸州 周維新

大令 易卓梅

署上元 龔善思

署宿遷 大令 陳介眉

句容 張寬培

大令 韓天垣

署溧水 楊得時

候補 洪業斌

江浦 彭光祥

候補 劉 釗

六合 朱恭壽

前 大令 晏承仲

署高淳 尹宗淳

前 大令 徐林春

山陽 張用熙

候補 王會圖

署阜寧 周 璞

秋家丞

署鹽城 李 萼

左輝春

清河 唐汝明

羅景烜

署清河 范傳勳

陳第誦

安東 張嘉琳

吳蕊元

桃源 龔照琪

林騰霄

大令 龔照琪

孫 焮

署沐陽 何森林

白聯元

大令 胡 璿

署江都 彭以竺

江寧布政司理問廳 吳景周

甘泉 盧元良

江寧布政司庫廳 單瑞圖

儀徵 陳文杰

江寧布政司倉廳 馬長慶

高郵 朱榮桂

署江安糧道庫廳 姚廷賢

興化 龔潤森

候補理問廳 張金鶚

寶應 孟毓蘭

江寧府儒學 曹榮

上元 姚鵬飛

上元縣學 周錫元

江寧 張志鴻

江寧縣學 過夢釗

邳州 言啟芳

邳州縣學 史溥

吏目 王汝誠

懿夫瓊宮星朗圖茲像於甘泉寶笈雲開獻貞形於壽嶽
 仙飛鳧舄蓉城艷說夫劉郎報錫鞶衣蘭夢爭傳夫尹姑
 天倫可樂人壽斯臻是固五福之徵一家之慶已若乃學
 古入官牽絲作宰稟承乎姆教恪守乎官箴蓋陰德之及
 人肇乎鶴籌之紀算濃膏之被物由於燕翼之垂庥洪維
 我
 伯母尹太孺人幼而婉孌長則端莊才有清聲詞不矜夫
 柳絮妝成大雅飾無借於梅花遡夫務農起家賓崇鄉飲
 女承父誨與秉坤貞籌日織之縑緗事親孝盡聽鄰家之
 誦讀教弟名成惟能重以女宗斯克嫻於婦道故其歸我

軼羣老伯也朝炊夕汲夜翦晨機和聲奏於房中風氣清
於林下歡宜菽盡養以讓迎奉將母以延年繼先人以承
志冬心調護筍抽日日之芒春色斑斕衣綴星星之綵蓋
不獨蘭閨燈冷競說裁紅梧井風寒驚聞擣素而且眉齊
舉案瞻苦和丸固知名是實賓三從克兼夫四德順爲正
道十分難舉其一端也 軼羣老伯志淡營謀性濃孝友
壘簾聲和恰符竇氏之五株巾櫛歡承共肅姬宗之三問
每當月明風暖早雁新鶯前奉魚軒後持鳩杖倚裳連襪
繞膝承歡飛泛菊之一尊作落梅之三弄老人顧之喜可
知已且夫飲湯嘗藥未聞令伯之妻劉薦割薪偏累陶公

之母雖或 如其質蘭比其華而內助未嫻閨儀奚補
孺人則冬溫夏清奔走殷殷媿婦嬰姑笑言啞啞幸子季
不嗟乎行役得健婦相索以特家椎髻而前較劬於梁廡
搔頭以問何吝於齊閨無如長卿四壁顏子一瓢釜無米
而煩炊屋牽蘿而待補紡磚日墮龜手忘疲角枕星移牛
衣耐冷固已蓮心自苦梅齒常酸况復六珈虛借老之期
兩髦垂未忘之痛葉辭枝而燕悴花落樹而鶻啼護影蕭
條荻灰慘淡道韞居家自肅宣文以母兼師佇苦停辛藉
將茶之手含霜負雪留貞柏之心大廈獨支偏絃自奏哺
崔姬升堂之乳授晏子納檻之書固當和以天倪衍成家

慶駒齒擢楊家之秀鳳毛與謝氏之宗清溪大兄露爽稜
稜風流冉冉學勤子舍名占酉科蜚英空冀北之羣作宰
擅江南之選或拔薤一本或歌麥兩岐或賑饑而老幼胥
恬或犒軍而兵民不擾戒鵜濡而守家風息虎苛以娛親
志挾續宣恩氣暄冬日褰帷求瘼管領春風從此召棠含
笑郇黍皆芄雖微大令之仁慈實荷

孺人之陰教也乃者元夕張燈之全節正華堂設悅之良
辰鳳簫引隊垂虹雲霧之場龍炬含輝寶馬香車之路趁
漢家之金吾不禁思孟母之玉汝於成屏張綺繡春酒始
迓夫春燈奏徹笙歌綵勝兼迎失綵服姪等誼屬寅僚歡

同申錫或雁行於末秩或蟻附於制科紅牆百二婺星競
耀於斗南朱履三千名士竊慚於江北鴛漿竿挹雕飾盤
承知

天露垂綸日捧丹毫而迭至仙霞擁帔筵迎紫氣而常開何必
橘中十叟始繫雲璈竹裏雙妃纔翻寶瑟爰乃言抽兔額
載紀鴻年而百爾同來一言恭介懸印演南陔之慶試燈
開北海之尊此日簫韶合奏千官共祝長顏他年瑟瓊稱
觴百歲同歌拜手謹序

壽文一篇

石城貢生 尹逢鈞

壬寅春正月既望為余伯姊六十設悅之辰余為塵俗所羈弗克越都稱觴為歉願以姊之母範壺儀為宗黨重其所以獲福與壽之原敢不郵致焉以侑一觥則請質言之為姊壽姊行居長素為吾父所鍾愛吾母患雙瞽諸務皆姊任即弟輩亦賴以飲食教誨迄長適余姊丈贈翁茂才贈翁豐於才而嗇於遇家雖清貧而姊處之宴如也平時事姑如事母至於和順一門靡不得其歡心以故贈翁孝恭之名著於閭里獨至課子一節則以嚴肅為主所舉惟清溪一甥白束髮受書後凡一舉

一動絕不假以辭色既而 贈翁捐館則尤亟亟以砥節
礪行爲先猶憶吾甥服官之始戚屬無不攀輿以迎養爲
姊榮而 姊瀕行顧余曰吾所望於而甥者非徒斤斤然
竊升斗之祿已也苟於物無濟卽所學何事爾當常致書
戒之以助吾教言之不及余素奇甥才而觀其處已接物
亦甚和而介竊不以是爲甥憂顧窮達異趨世豈無一行
作吏而頓易其本來面目者則亦嘗於此三致意也今聞
其所至輒有聲兩任鹽城以聽斷勤能見信於 上憲鹽
之民或以化洽輿情頌焉或以卓魯風高樂只君子頌焉
及權篆泰興經辦賑務致有惠及萬民之額嚴禁訛詐又

有愛民如子之額此已見其小試矣至邳州其地甚衝其
民最悍而公來何暮一語知邳民之愛戴與前同且夫爲
政之難莫難於得民心莫難於歷一處而皆得一處之民
心甥之克以兩稔之中隨其所歷而皆得之豈要結之別
有術乎抑士民之多好諛乎余於此且循名責實而在甥
尤當顧名思義也茲擢署江寧爲江南首善之區地方之
遠閭民情之可畏其難又甚於下邳而况乎水旱頻仍連
年蠲賑兼以外夷爲梗兵務紛繹其體恤之必周撫馭之
毋懈在在胥觀吏治吾不知甥果遷地爲良否苟能防民
之口如前之所歷足貽父母令名則吾妹之樂可知而壽

愈可徵已邇者甲子初周而甥真除在卽還望甥孫輩聰
穎秀出綽有父風是則天之所以昌 劉氏之門者方未
有艾他日余得以優游無事之身遨遊江左當驗吾宅相
之自有真豈特爲吾姊登堂獻斝而樂其所樂哉

壽文一篇

少冢宰江蘇提學毛式郇伯雨

蓋聞教垂德範傳經著韋母之型頌晉闕宮上壽志魯侯
之喜自求多福允卜遐齡若夫爲官期於爲政訓秉折筭
讀律本乎讀書教傳畫荻以花封之酌水作蔭寢之稱觴
福集筍輿歡延萊服則春暉寸草皆賀世之祥徵也絃誦
一城卽仙璫之樂奏也壬寅正月旣望爲 清溪年兄
堂上尹太孺人六十生辰先期書略丐言爲壽竊以竹柏
清儀久歸稟仰梅檀奇馥亦藉敷揚矧教啟禮門七族企
璇闈之德祥符夢紱千行待彤管之書惠問休彰徽言敢
闕敬惟 太孺人江國名門女宗淑德夙嫻內則玉環鏘

鳴佩之聲自著柔儀金井整微行之步洎襄鴻案克勗雞
窗賓樹朝開敬下樊英之拜春蔬夜剪貧忘冀缺之耕維
時曲譜姑恩象徵婦順鹿車挽重遙答書聲鯉水刳鮮彌
香膳饋能使和藹交孚於荆里孝恭播譽於臺砧凡無間
言罔非內助他若耳鳴陰德手借春風憐寒解須買之袍
市義燔田文之券或河干送友屢屏時供或座上畱賓酒
漿替設以茲豪雅盡出勸勳然而豐以惠人儉以約已有
鄭絡秦篝之辛苦共男錢女布以經營蠲潔杯盤朝夕既
食無過菜維婁侮甬居恒尤門少疾聲宜乎草茁祥芽瓜
繇奕葉知羊舌之後必大有鳳毛之美克臻當懿訓之諄

諄已奇姿之嶽嶽製蘭英之頌美教子射科盼荀淑之學
成爲師設饌兆任鈴於舊夢傳麴筭於他年 令子清溪
年兄今且堂前捧檄白下綰符一輿看側帽之迎三釜致
入門之笑然尤飛鳧立訓封鮓資廉陶湛氏之誨其兒事
事使無忘父澤魯文伯之朝其母言言俾恪守官箴遂令
潔愛壺冰甘回井水殷榮陽決無廢政鄭子美免鑄刑書
潘邑栽花要使春畱慈舍鍾陵種筍偏宜官到名山凡茲
日起之政聲罔不歸原於懿教今者建寅屆序周甲登年
椒荐干觴釀酒而添來瑞雪梅開萬樹催花而擁到慈雲
聊爲介雅之詞藉作引喙之奏待臻仙算上蓬萊東海之

尊且喜養堂對金粉南朝之畫

壽文一篇

奉賢 秋家丞 研芸 大令

自來名人傑士往往早歲孤立秉承慈訓克砥有成故觀其子之賢益知其母之賢一時羣工僚友得聞母教以爲官箴如我劉伯母尹太夫人者可得而稱焉歲己亥余攝篆東陶與鹽城接壤聞有劉某者新從政有官聲心好之未之見也旣而余調攝白下觀察李方赤先生謂余曰君知有劉清溪乎非庸吏也可人也余益心好之而未之見及秋清溪奉聘入闈始識面問其年則未登強仕觀其人則若不勝衣聽其議論則犁然渙然悉歸練達而拯人之急謀人之忠更非晚近所得數觀其服官如此其行

已如此意其初必有隱德君子朝夕劘切相與有成而豈知自讀書以至入仕克有令聞皆受教於賢 母者多也清溪爲余言曰先君子廣交遊樂施濟內政皆母氏操持家故不豐延師歛友唯恐不至凡爲某進學計也某寡兄弟日依膝下偶涉嬉戲譴責立加人有以一子且姑息勸者母曰子多尙可旁貸一子不成無他望余聞之於心有戚焉嗟乎家丞亦獨子也先君子督責嚴人亦謂一子孱弱不宜操之太急先君笑而不言家丞第知愛之勞之望其成立已耳及聞 太孺人之言如覺悟如發矇如重規墨矩恩斯勤斯其專注我一身者何如耶今夫人入承母

訓不敢忘爲一旦坐公堂縮墨綬動越禮法之外母雖賢烏知之此公父文伯之所以見斥於敬姜也清溪勉乎哉母蘊利毋虐民毋以靡麗改其素毋以意氣長其傲養志承歡於是乎在翟榮詰寵未足以盡孝也壬寅元夕爲太夫人設輓之辰各同寅製錦獻詩奉觴拜祝余樂得清溪爲賢友而更樂賢友之有賢母以永終譽不敢擗摭頌禱之詞爲 太夫人壽第就所聞於清溪者敬書而及之至於善事翁嫜一生勤儉有家乘在姑從略焉揚權未盡可勝主臣

壽序一篇

邳州學 言啟方 與卿

徐幹中論壽有三有王澤之壽有聲聞之壽有行仁之壽
 外此無所稱壽壽母之稱自成風始成風之壽蓋三百三
 四十年於何徵之曰卽於闕宮之頌徵之頌言復周公之
 宇按漢書地理志魯南有泗水至淮而踰今下邳而南頌
 言保有鳧繹遂荒徐宅孔穎達疏卽引徐州嶧陽當之費
 爲季氏邑與徐接壤史記楚世家頃襄至十八年尙列鄆
 國則自僖公以後世世保有南境可知由左氏傳伐邾一
 役推之凡僖公之功當無不本諸成風者魯之南境與魯
 相終始成風卽與魯相終始矣則證以聲聞之壽成風之

壽可至三百三十四年也。然則太任太姒太姜之壽可云九百壽。太姬可云九百壽。或能以明德懿訓被其賢子孫。當時臣庶沐浴膏澤詠謠盛美。協氣胎蠻。升聞於天。天亦降之純嘏。靡不期頤。耆艾黃髮。兒齒鬱爲人瑞者。壽母之稱由來不可誣也。道光辛丑四月石城劉清溪先生奉其誥封太宜人尹太夫人來邳州。甫六月而回省。瀕行之日。士民夾沂河而送者。以萬計。額手稱祝願。刺史再蒞。吾邳。敏其事。則僉曰。刺史廉明仁恕。能秉太夫人訓。以福吾民。福民之蹟。衆口喑喑。一時不能得其詳也。既行之後。蓋累月而頌聲不衰。其明年正月。旣望爲太夫人六

十介壽之辰。先生方攝篆江寧。先期以書徵言於邳。邳之寮屬咸推述盛美以詠歌之。啟方自惟弁陋。不能有所增拓。因邳爲魯之南境。僅依在邳。言邳之義爲壽母。說復之。先生夫闕宮之頌言。俾壽者六。皆指僖公爲詞。先生之所以壽太夫人者。固自有在。它日莅一州。福一州。莅一郡。則福一郡。莅一省。則福一省。無不本太夫人之訓。整躬帥物。除大弊。興大利。所統愈博。所畱亦愈遠。純嘏之錫與之相副。必有宣自玉音。書於史氏者。鯁生一隅之說。特糠粃焉爾。

壽對

江寧方伯成世瑄

江安糧道沈兆雲

製錦材成教彰韋幔

寶婺星輝鼇山并燦

樹蕙春暖歡溢潘輿

琴堂春暖翟第增榮

壽對

候補大令左輝春

藜閣星明婺聯太乙

萱堂日永慶洽由庚

壽聯

丙閣中書
戶部郎中
甘

湛露自天柏秀松森春正永
清風被野黍膏棠蔭澤彌長

陳延恩

蕙卮六旬鶴籌添海
萊衣舞色驥足驥雲

李彭齡

化洽棠郊勉承慈訓
澤拯菡屋歡頌遐年

羅鶴翔

蕙幄甲籌環仰母儀欽母德遵母訓載領母恩富貴祥開
乘元夕蟾輝玉笋合偕椒頌獻
棠圻寅協永聽官聲佩官箴稟官常更推官法圭璋望重
迎九天鳳誥金花猶帶荻書香

壽言一篇

鳳池書院山長 侯雲松

劉清溪大令來治吾邑有政聲黎庶頌其德主大夫慕其
為人余久乃得見朗我玉山粹然儒者初以翰墨相贈答
既稍稍悉其家範知縹緗世業食德誦芬而官箴尤秉承
太孺人之訓也古之賢母若封鮓以礪廉隅坐胡床以
察聽斷亦足與治譜同傳而 尹太孺人則本儒林以勗
循吏其言曰願無忘秀才本色使我能以秀才之妻為秀
才之母懿哉此豈務為寒峻語耶伊川先生勸尹和靖應
進士舉其母曰願子以善養不願以祿養 太孺人之言
其依然尹氏家風歟竊嘗悅仰於士之與仕而嘆古今不

相及夫仕與士通古之士今之秀才也范文正以天下爲
己任卽始於秀才時顧士當伏處亦嘗留意國計民生及
爲所得爲又謂古人陳迹非可試於近今或更需之以時
與地而後有可施措者卽不至以靡爵易其初心而以視
秀才時之銳以自任殊有間矣而 太孺人之所以教與
大令之所以稱述皆在於此則無論 大令之早登萃
科入仕服紱綬於通都大邑以良折獄惟刑之恤處煩劇
以彌暇若淡泊以自甘當路以洊歷相期而莫非無忘秀
才本色之訓之所致也客歲孟陬 太孺人壽登六十大
令徵文於知交而並及賤子子維閱宮頌魯侯燕喜而繼

之以宜大夫庶士至篇什卽次於泮水之後以見歌功頌
德不外貴貴尊賢古人無時不重士則士而仕者又可須
臾忘其爲秀才哉 太孺人識此義故爲令妻爲壽母旣
多受祉行且益算受釐起居八座豈無華簪麗藻於 太
孺人之奉翁姑和娣姒以撫幼稚敬相夫子助其令名以
孝恭旌於鄉而悉登諸撰記亦足副都人士稱道之心而
部下八十歲老民曩曾秉鐸於歙與秀才相周旋者十二
年今仍撫拾秀才家言以爲獻斯亦莫掩其寒畯或 太
孺人暨 大令轉樂聞之而非能附屏幃之後也

七古一首

前陽山 林騰霄 筠蒼
大令

六街笙鼓喧達旦
婺星光接春燈燦
天為壽母彰德輝
春華先向琴堂煥
甲子籌添綺席開
賓筵獻祝酣將半
劉侯避席皇然興
欲言不言先長歎
道昔吾翁稱孝恭
翁德多由母所贊
吾母之德本性生
淑慎溫恭成習慣
隻手曾扶百轉輪
單絲自引千鈞擔
愈以貧家習儉勤
彌因獨子防驕悍
尊師饌膳屢加邊
供客盤飧親執爨
但期我子能親賢
欵畱不惜貲財散
而况推誠睦族姻
濟貧喜送冰中炭
十分刻苦自家身
撫心猶覺多遺憾
今雖祿養藉微資
依然服食甘清淡
吾母之德誠性生
四座聞之生敬憚
我觀

劉君明且清神采英姿都粲粲其中退如不勝衣從政才能偏濟幹理繁有序善敷施折獄惟良精聽斷鴻飛百萬莫劬勞虎衛三千堅守扞心以子諒日型仁才以剛勇時勘亂刑人本爲生人用明刑恤刑皆一貫江南六十有餘縣賢尹雖多君爲冠同官爲寮我自矜喜與賓筵歌燕衍非母不能生此子夙稟慈謨精考按大德必能臻大壽願爲壽母編傳讚我才不敏言自嘉嘉言祝之增壽算他年壽母疊慶到期願不辭爲君疊染歌詩翰

七截四章

荆布初更蟒玉來慈親未著且徘徊爲言先德貽麻遠莫

忘承家是秀才

昕宵迫著祖生鞭豈慮生兒不象賢端爲孝恭遠澤遠勉成勳業績從前

珠絡金屏瑞色鋪堂堂花誥燦中樞別餘一物增清賞卅載冰心課子圖

火樹花飛萬朵金光騰百里播徽音壽萱遍覆甘棠暖六代江山春滿林

古歌行

用昌黎石鼓歌韻

署理事廳李彭齡 介亭

金錢正買燈市鬧，謹傳曼壽騰新歌。鏗砑麤郁擅閱麗，鏤
 鉢韋白捫陰何。瓊池瑤接重仙至，駟三青烏龍扶戈娑娑。
 環偉覲殊相，芝旗羽葆芬相磨。斟漿澆醴致，踰葶磨臙鱗。
 膾香駢羅鸞瑟琤，琤琤鳳簫沸舞筵。象勺何峩峩，中堂壽母
 色愉懌。名閼毓秀石城阿，板輿觀政舊京室。姁慈程儉無
 嘖呵，劇邑厄閨迢蕩析誰艷。東作平南譌康馘，汨沒闌闌
 池。竈產鼃黽階堆蚪，圩牖譁驚隳帶嶠。畦塍齋菽鳴潛鼃，
 大府傍徨籌拊輯。特屈賢宰假斧柯，鯨跳瀛壖寶費梗。銅
 符騁調繇拋梭，糗糒庠乃供。屏履豈暇縱，絨師委蛇揭麻。

依銀貸鍾卧鮐稚嫗育甦孀娥鉦鐳無喧垣堵暨闔澤沃
溢江有沱安措飢艱就磐泰藹藹咻噢迴陽和坐見農疇
士食德力田孝悌均復科鹽瀆琴絙下邳祉嫩績罕譬文
三多早喻蹇承賢母教成子嘉譽馳風駝弁歲匡檠戒嬉
戲熊丸意切鯉庭過幟舉拔萃吏循最璞琢琮琥由攻磋
豫章我昔試刀錦廬嶺碑萃江澄波俗砥節義峻閨闈睹
聞覩縷泯側頗女士葩辭誦尹姑端人擘舉公之佗徽音
盛事快兩觀挾摛頌藻奚媿嬰蘄遂金萱長燦燦不須銅
狄頻摩挲兕捧會殷公瑾拜燕喜祇聽史克哦擊古權今
齊鞅軼文剗繡虎書籠鸞延年酒進藕益節珈旒揄績居

有那委巷闐喧路郵說又覲仇媪攜鄒軻壽疇德基有徵
兆第祿幾式如盟河誼託晚輩攄拳摯愛景永繫無蹉跎

七古一首

候補羅景烜 竹亭

春燈初放月仍滿
 河陽花發烏聲轉
 吏民濟濟春衫暖
 稱兕躋堂奏絃管
 輝煌翟第仰太君
 六秩筵開酒正醺
 燕喜由來謔壽母
 琴衙戲綵頌聲聞
 顧復恩勤貽式穀
 治譜傳家親教督
 聽斷長存召伯思
 勞逸時聞敬姜勗
 勗子成名能作官
 作官之能可備述
 能除亂民民不迷
 能集流民民不離
 能雪冤民民不欺
 能恤災民民不饑
 淮水泱泱草萋萋
 鍾雲漉漉春熙熙
 豈弟君子民所依
 君不見江南大尹劉清溪

古詩一首

六合朱恭壽 牛塘大令

秣陵古帝都地大稱難治自從劉侯來百事得依庇劉侯
 居官廉且清劉侯折獄和且平下風傾聽起敬畏豈徒四
 野流仁聲昨枉一紙書殷勤通訊問始知長官箴悉稟慈
 母訓慈母勤苦數十春米鹽井臼皆躬親當時黽勉相夫
 子惠和兩字稱鄉鄰佳兒教之使成人兒能作官母訓頻
 作官戒貪殘秀才家風母能安作官戒忮刻蒲鞭稍嚴母
 心惻春風送暖來華堂森森畫戟凝清香時方元夕羣燈
 張燭龍九節吐豪芒觀者填塞盈道旁官賢民樂頌聲長
 使君恩德胡可忘萱庭六秩壽而康萬人稽首稱兕觥雲

中五色輝 天章金泥紫誥語吉祥蕪詞獻祝慚琳瑯願
我 太母福壽都無疆

七排一首

揚州汪子泗 代山青
太守

愛日庭前瑞靄新重週甲子慶良辰履端喜見團欒月祝
嘏欣逢錦繡春梓里賢聲聞畫荻 諉闡懿訓等傳薪
使君吏治僉稱最寒士家風但守貧在昔九熊成子學於
今封鮮潔臣身清冷只飲民間水渾樸常懷席上珍彭澤
門高堪偃武河陽花滿可娛親 鸞章 鳳誥褒崇典珮
玉珊珊拜 紫宸

Blank page with faint bleed-through text from the reverse side.

五言排律十二韻

前署北
捕通守 洪業斌 夢琴

虎年逢虎月萱壽甲周天綺席燈初放琴堂月正圓雲霞
雙鳥燦臺閣五花鮮藜拄觀書杖蒲留按獄鞭舞衣輝蟒
繡歌板雜鷓絃子惠從今布辛勤自昔宣折蓂催力學剴
薦教親賢淑慎傳清節慈悲種福田西江縣澤遠 北闕
荷 恩先金錫黃中詔瓊吟白下賤魚駟光八座鶯木叶
三遷此後春暉暖行開百歲筵

七律四章

百千萬億四首

昭文 藍蔚斐

子青

百二諉齡恰半周好將甲子數從頭
 官梅閣暖春光早慈柏堂深瑞氣浮
 子舍愉愉麟角起孫枝濯濯鳳毛修
 天教壽母徵黃髮燕喜還宜頌魯侯
 千秋晉舜奉安輿新著朝衫效舞裾
 此夕春燈陳百戲當年夜月課三餘
 飲冰早喜符人望在泮真能讀父書
 且為外家成宅相舅甥先後盡瓊琚
 萬選人誇萬中錢萃科聲望早翩翩
 詩歌卷拂珊瑚樹祿養樽開玳瑁筵
 不負熊丸勤早歲是宜象服祝高年
 棠陰處處謳歌起總說官聲賴母賢

億兆歡聲白下多同舟相慶更如何兕觥未遂躋堂祝雁
帛能傳益壽歌珠海有人來紫閣瓊林無樹不青柯放衙
敬獻岡陵頌火棗交梨酒正醅

五言排律四十韻

山陽姚輞川
貳尹

寶婺輝南極金萱耀北堂詩歌安且吉疇衍壽而康慧業
前生定芳型早歲揚郝鍾齊禮則桓孟並端莊戒旦求鳧
雁和聲引鳳凰荐蘋儀自協佩萑職親襄機響三秋月燈
挑五夜霜豈惟和娣姒果克順姑嫜偕老期調瑟占祥喜
弄璋相夫惟抑抑課子更遑遑憶自貞心誓深虞舊業荒
一身兼保傅十指代耕桑識見侔陵母勤勞媿敬姜脫釵
供脯贄截髮市壺漿荻畫灰成采熊丸膽有香松堅枝自
盛桂老子嘯芳秉質清無敵臨文銳莫當昆刀能切玉養
箭可穿楊芝秀齋居裏芹芬泮水旁鷗鵬資變化騏驥快

騰驤名重招賢館英蜚選佛場躬雖膺拔擢志不愧行藏
 藉捧金陵檄宏開玉印牀心清壺許貯才大尺難量百里
 新花縣千秋古大航和風行井里化雨浹膠庠陰德平反
 厚仁心撫字長詰奸防雀鼠求收問牛羊拯救饑借溺綢
 繆疾與瘡凡茲宣實惠只冀迪 前光匝地推恩渥敷天
 降福穰瓊筵開六秩彩輓設三陽厚德占坤順元旋慶履
 祥孫杖森婀娜甥館燦琳琅 謂合群陳冰湖茂才 佛像千家頌卿名
 五世昌君才堪報 國我藉幸同鄉每荷枌榆誼深承藥
 石匡遙知開綺席深羨奏霓裳迹未隨朱履詩還愧錦囊
 敢呈巴里曲再拜祝無疆

七律二首

候補張金鶚 秋浦理問

儀型整肅性和平里邨咸欽壽母名近擬郝鍾垂闡範遠
 追尹姑紹家聲相夫不使箕裘墜課子能教宦學成逮事
 姑嫜嫻內則朝朝甘旨更豐盈
 寶婺星輝映德門誠從門下飫芳樽林壬禮洽稱純嘏花
 甲筵開屆上元馥郁桂蘭齊繞膝輝煌鏡月正盈軒 鳳
 銜 丹詔從 天下官誥頻頒 北闕恩

Blank page with faint bleed-through text from the reverse side.

七律二首

桃源 龔照琪 蘭生

婺垣煥彩照琴堂
尹姑賢聲煥敬姜
週甲建寅增歲月
艱辛教子到循良
金萱茂占春暉暖
華黍豐膺愛日長
自著宮袍連捧檄
慈雲處處蔭甘棠
長生曲合奏南陔
哲嗣爭誇母德培
芝益延齡蓬島近
梅樽介壽柳衙開
壺儀早著和丸訓
懿範堪追畫荻才
他日起居榮八座
黃迎鳳詔下鸞臺

七律二首

署丹陽
大令 金 鎔 在庵

琴堂春氣靄江天親奉安輿孝養全
 火樹銀花開令節冰
 桃雪藕燦華筵名門德範承先澤
 慈母恩勤裕後賢青鳥
 正銜 丹詔至瑤池祝嘏會羣仙
 卯金之子應星精年少居官得盛名
 學有淵源資母訓政
 兼寬猛洽民情朝衣舞作斑衣綵
 春酒稱從壽酒觥忝列
 寅恭尤自喜百齡永與續歌賡

五言五十韻

候選少尹 李嘉賓 燕亭

讀君徵壽言欽君母氏賢觀君所為政庭訓有淵源惟
 母出清門勤儉本家傳 贈公重經術不屑謀利權恰又
 廣交遊置驛通賓筵進饌佐治具教兒拜堂前 贈公捐
 館舍家惟一青氈君時領一衿適館耕硯田暫離母膝下
 倚閭眼幾穿一母撫一兒徙倚相流連棲遲卅載間攻苦
 學益堅拔萃策 廷對詞賦尤翩翩金門承鳳詔玉筍接
 蟬聯親荷 丹毫判江南論俸錢毛生欣捧檄祿養獲豐
 年大府重儒吏小試花封先潘輿迎奉來誠虐曷以廉古
 鹽及下邳仁政留蒲鞭桁楊皆雨露錄囚涕淚漣金陵際

昏墊災黎溝壑填抱此痾瘵心請帑及勸捐胥吏皆蛾
 伏庶民無喧闐逆夷滋浙東豕突復蟻旋此問當孔道兵
 弁來紛然供張兼儲待賠累千萬緡街市不驚擾閭里相
 安眠凡茲多治績皆稟慈訓虔今年花甲周璇閣喜加邊
 為此春酒暖稱觴招羣仙梅開東閣春燈紅不夜天慶忭
 書屏幃鏗鏘奏管絃蘭膳列珍錯綵衣舞蹁躑母惟崇節
 儉素守不為遷操作仍故常精神彌醇全女貞冬結實鬱
 鬱顏逾鮮茹苦終得甘後福培綿綿賤子來白下青睞有
 加焉襄籌軍務局鴻雪證前緣己丑庚寅常往來長千里隔院鐘聲動
 當門塔影圖爐圍鵲鴿炭茶煮葡萄泉小除始竣事回衙

賽詩編承君投節略囑毋諛詞宣頌揚恐多虛比事貴真
 詮君作敘事體字字都清妍憶讀三魏集仰企翠微巔易
 堂十三子鴻文筆似椽後起有替人狂瀾障百川笑子弄
 柔翰學古未能專今君得正宗師事心悃悃臚列百壽句
 勉效岡陵篇

七律二首

蕭縣尹 成錫慶 心餘

六秩筵開正上元
 祥雲黻黷擁金萱
 介眉共祝南山壽
 繞膝頻開北海樽
 封鮓廉名欣永錫
 含飴樂事喜常存
 春暉常護甘棠暖
 美蔭咸知壽母恩

廿年鴻案久相莊
 鞠育恩勤有義方
 漫道鳴琴酬顧復
 好將調鼎慶明良
 蓬萊履舄稱觴集
 村野歌詞介壽揚
 貳膳筵開彈指屆
 載持春酒祝康強

五古一首

候補大令王檢心 惺齋

人生有真樂千金不可易孝子奉慈母此樂更為至况又
得祿養常人安能冀賢哉劉伯母教子必有義獨子不姑
容力望成大器復慮刑名官或為貪酷吏仁言利益溥蒼
赤亦受賜弄孫喜含飴蘭桂清香萃壺範式族黨恩澤及
後嗣耐貧三十年辛苦不辭避勤儉存本色待下嚴嬉戲
德性有所本名門著美懿孝婦得厚報常理原無異我祝
仁者壽惟願昌而熾

七律一首

甘泉 盧元良 心農

梅花酒熟報添籌為祝萱齡晉一甌
民望彼都先頌尹我欽善政欲依劉
同鄉更喜寅同協正朔剛逢甲正周
今夜白門新霽月二分應勝在揚州

亭書錄

三

五古一首

如臯 廉泉
大令 范仕義

坤德著璇閨綿綿錫嘉祉况乃稱女宗賢聲尤足紀劉母
林下姿淑慎繼芳軌助夫稱孝恭佐讀其棊几高堂博歡
心晨夕奉甘旨雍肅洽芝庭餘蔭週葛藟賴此內助多鄉
閭播厥美倏隕少微星波澄古井水矢志報所天克家惟
令子一子或姑容人言實堪鄙督責不辭勞顯揚有如此
詰嗣南州彥昂霄聳壑起射策蕊珠宮花封宰百里折獄
勉維良無事重鞭筆秀才舊家風何必矜華靡我思歐母
賢廬陵深仰止慈孝萃一門後先堪共擬清清琴江水高
風世莫比懿哉秉母訓勳業從茲始

柏梁體一首

六合縣 崇桐林 學

元宵皓月明天中
夫人南極光熊熊
列仙手把青芙蓉
彩雲下燭江天東
天祿太乙藜照紅
德門窳窳何岿隆
中有才子人中龍
彩筆直奪江文通
驪珠探得詩豪雄
腰圍紫綬章握銅
愛民如子恩澤醲
剪伐早巳甘棠封
擢之首邑德望崇
治績召杜將毋同
跡其雅化推其宗
羨草樹背符郝鍾
字則畫荻丸和熊
一燈課讀神不慵
板輿迎養子職
供敬姜猶績循古
風慈暉藹藹春溶
溶煦嫗庶彙多蘇
融人云道隆從而
隆我謂壽母陰有
功坤厚載物原含
宏三十六所春滿
宮歡聲騰沸諧鼓
鐘珠履雜沓羣仙
蹤我爲

猶子同寅恭仰睎闡範登耗蕤循咳一曲歌未終瑤池仙
樂聲玲瓏

樂府四章

卽補同知署
揚河通判唐汝明 補卿

壽爲福先誕膺自天匪雨露之偏維母之賢 母節其堅

母德其全 母不自知其然天償以厚澤之緜緜 頌一

莫圓匪月而補其缺莫寒匪雪而方其潔乾以坤協 母

以師率子也人傑 母也心悅 頌二 母來南邦而壽而康

春日初長介壽華堂匪翟芾之光彤管之芳鍾山蒼蒼以

頌永昌 頌三 兢兢訓飭惟清惟直必懲貪刻庶勤爾職拜

母之德式 母之則詞直芾飾惟受祿無極 頌四

--	--	--	--	--	--	--	--	--	--

七律二首

仁和黃廷綬

嫺星朗耀煥南天獻歲宏開六秩筵
 丹闕綸雲光五色
 玉階銜月影雙圓松篁砌繞恒春樹柏葉杯流益壽泉多
 少樓臺饒勝概咳蘭一曲綵衣鮮
 高堂扶杖聽官聲淮水江城次第迎教啟丸熊經學邃訓
 承封鮮吏才清蒲鞭默化鷹鷂逐棠舍潛消雀鼠爭有子
 承家能造福佇膺八座晉恩榮

七律四章

銅山 趙毓升 鳳山
大令

九井山頭寶發明，鍾磬服瑄懋延庚。
傳經秘閣歸劉向，樹戟峩宗出尹鄉。
秋菊工吟徵慧業，春椒善頌洽歡情。
肯將雜佩慇懃贈，知子來之喜益傾。

母亦兼師訓迪勤，楹書課讀惜陰分。
滕瓜竟解胸中渴，灰荻猶含字裏芬。
常使襟期盟白水，幾經策勵步青雲。
秀才根器儲公輔，蓋粥時原屬望殷。

雙飛鳧鳥下燕臺，仙吏江南奉檄來。
軫念苦熬先薙拔，環聽甘咏遍棠栽。
野無吠犬宣嚴令，庭有懸魚絕俗埃。
况是慎刑貽穀久，演祥結綬竚登槐。

金妃設帳斗富寅燕喜堂開舞綵新錦製六朝佳麗地觴
 稱八座夫人萱榮鶴算初周甲桃熟鴻蟠正及時驥首
 遷階卿月朗 丹青稠疊荷
 恩綸

五律二首

黃縉

不借藜光照鰲山萬頃春萱堂才六甲花縣又元辰喜讌
 還供客加餐為活民承歡觴 壽母合飲建康醇
 堂上琴方鼓餘音入管絃花看仁壽豔竹愛孝慈鮮榮顯
 誇今日清貧憶昔年上元三五月常為吉人圓

七律二首

前任揚
軍司馬 王夢齡 雨山

母儀早已冠虔州卅載劬勞志竟酬
 挽鹿相夫供孝養九熊課子振貽謀
 歡聯娣姒賢彌著愛洽鄉鄰望獨優
 昨夜上元新霽月天教預慶甲初周
 介壽樽開不夜天金陵歌舞韻喧闐
 一錢世澤光前哲八顧宗風繼昔賢
 祿以養親欣捧檄才堪華國暫烹鮮
 豈惟百歲春常在壘見喬柯不次遷

尚書金

三

七律四首

荆溪單所
大令

西江秀結水滌洞璿閣胥鍾命世材蚤慧清風承吉甫半
生仙侶駐天台宜家先潔盤匝禮濟物全傾篋笥財純孝
德尤根至性晨餐每待乳姑回

傳家只有一經遺能讀遺經母教之許大慈祥生佛子是
真嚴肅女宗師蓬窗茹盡蓮心味荻畫教成柳骨姿十載
功成名疊顯看攜彩筆對丹墀

九重春色拜銅符千里行蹤奉板輿纔向維揚迴彩仗旋
看建業挂冰壺平反未許留疑獄勞逸常教擴遠謨衆母
惠原尊母訓嗷嗷鴻盡化慈烏

時方急
賑恤事

十丈燈輪燦未收仙靈雜遝慶添籌兕觥香泛屠蘇酒象
服輝增孔翠裘繞屋和風生寶樹滿天明月照瓊樓會當
來預蓬瀛宴單舸乘潮指石頭

古歌行

江寧北
捕通守孫炳燁 小軒

庸人日日書在目讀書不行如不讀賢人不必日讀書行
事能與古爲徒我聞古來賢母訓其子不因愛子防少疎
幼則嚴約束長則勤課讀接物戒其貪居官戒其酷自己
猶能勤且樸不觀擇鄰訓三遷常恐其子習不賢不觀助
讀和熊膽策之攻苦防其懶封鮓以書嚴切責不以官物
累清白聞子折獄多平反然後開顏加一餐鄭默之母尤
賢淑身雖在官如儉寒凡此古人事古書皆詳記惟我
劉母古賢人德如孟母淳功如柳母勤節如陶母清心如
雋母仁牛生忠厚淑其身尤與鄭母一掾全天真一子人

中鳳閑之無少縱至今教子登雲霄教之之術皆有條幼
則嚴約束長則勤課督接物戒其貪居官戒其酷自己尤
能勤且樸衡以古書所流傳事事皆如古人賢古來只此
數賢母母以一身兼其全壬寅首春月既望六秩筵開霄
漢上金花燦列雙蚪閭珠絡宏森七寶障銀花萬朵翻新
樣笙簫喜氣如春釀百里歡歌誇祿養母乃安之仍如初
是真能味書之腴我願天下諸名儒皆如 劉母能讀書

七律二首

即補 白聯元 海峯
大令

從來福德本相因祝嘏惟將閭範陳
甘先自歛嘉賓每遵姜氏箴
勞逸常述崇公志厚仁此日
帳亭開六秩絃歌聲滿錦城春

會耐清貧卅載餘琴堂今喜奉
似簪荆著布初夙秉儉慈徵世德
佐成恭孝式鄉閭萱闈
自種無疆福敢贅陳言頌九如

江南傳政績民頌母之賢慈壽先天佛恩榮上界仙星隨
 金卯燦月向玉辰圓琴閣春暉永光澄萬戶鮮
 火樹耀春燈華筵慶秣陵人如千歲鶴官是一條冰舞綵
 衣冠豔含飴色笑承仙妃齊獻壽泰祉日方升

五律二章

南雁 范鳳諧 離庭 大令

江南傳政績民頌母之賢慈壽先天佛恩榮上界仙星隨
 金卯燦月向玉辰圓琴閣春暉永光澄萬戶鮮
 火樹耀春燈華筵慶秣陵人如千歲鶴官是一條冰舞綵
 衣冠豔含飴色笑承仙妃齊獻壽泰祉日方升

七古一首

吳江蕭翹
大令

春光融融春日長
隔宵火樹銀花芳
瑤池阿母開畫
燕金觥玉液躋公堂
葉徽甫奏官方
節慈母鳴機勞
太息欲知良吏傳
循聲須識高堂茂
懿德賢郎昔年讓
棗時曾隨大母爲孫
枝但見承歡遂頤
養未明食性羹湯
知太君婦職脩無
間旦戒鳴雞宜弋
雁辛勤佩悅共扶
持潔薦蘋蘩歌采
澗娣姒如雲豕介
循郝夫人與鍾夫
人調停行坐昭雍
睦不聞詬誶卑舊
姻賓賓肅舉梁鴻
案不待屢屢炊夜
半相將雜佩贈知
來何辭酒用金釵
換此時小鳳鳴清
聲熊丸課讀勞艱
辛曾同畫荻教令
子還截青髭畱嘉
賓籌

燈夜績勤無懈斲斷機絲嚴勸戒盼到才脩五鳳樓青衿
拾取輕如芥泮宮芹水纔生香庭椿條已隕秋霜慈母嚴
師力獨任就中甘苦俱親嘗卅年始見鷓鴣起鍾毓彌厚
發彌光毛義捧檄志已遂板輿奉母來吳鄉吳鄉風景日
正美日日慈幃覘色喜雋母徽音復見今明然善政清無
比中宵警枕笙詩鳴五夜飲冰琴韻清花封士女奏仙曲
諶國耆頤起頌聲自此起居榮八座 紫誥鸞迴同燕賀
含飴先遂弄孫歡君羹竚賜鹽梅和我亦萱親白髮侵秉
承慈訓作官箴年年介壽持春酒 翺官吳四十年皆迎養
太宜人於官署歲一稱
觴同此春暉寸草心

七律一首

候補大令 陳第頌

六街笙鼓賽春觴瑋瑋筵開 壽母堂有子循良稱領袖
同寅歌詠集冠裳 秋書早予官箴切 花誥行頌 御
墨香此日金陵佳氣滿民安物阜樂無疆

五古一首

即補
大令 崇學海

陶母曾剪髮孟母曾斷機古來賢母德非子何由知西江
 有劉母溫惠為母儀妯娌皆稱賢家人無不宜夫子喜交
 遊雜佩能代貽雞鳴相警戒孝恭令聞施一子訓義方不
 肯從寬慈輔仁會益友進德延名師拔萃貢 天家出宰
 為民依取材自江右布化遍淮沂綰符歷岩邑萬姓傳口
 碑大府重賢能保障課繭絲母復戒嚴酷昂以循良為劉
 侯承式穀冰淵常凜持今茲稱介壽六秩方初基裁此數
 縣花聊進百年卮魯侯錫純嘏壽母謦聲詩同寅皆猶子
 公堂稱兕觥一觴酬王母紫氣光無涯

五言排律一首

溧陽大令 鄧秉乾

剛值元宵後祥輝簇簇彰
 母年開六秩 帝命荷 重
 光仰見 庚星耀成欽
 甲算長新春迎柳署上壽祝 萱
 堂式燕張瓊席扶鳩讀玉章
 書香繇久遠蘭秀吐芬芳松
 柏垂瑤砌雲霞燦畫廊淑儀齊
 孟薛雅度協珩璜 露湛
 知恩溼風行識政良承家徵厚澤
 積善卜餘慶紀衍僊壽
 算躬操福履將羣僚偕喜躍獻頌
 佐稱觴

七律二首

丹徒大令 錢燕桂

隔歲欣傳尺鯉來北堂啟壽酌金罍儀隆鍾郝堪同仰績
 重龔黃合分推晴旭初迎護色茂新詩宜報月華開欲編
 傳贊無奇藻祗自稱觴敢詡才
 如環花甲紀初周子舍承歡御板遊蘭膳調時香有飴萊
 衣舞處錦成毬令居早譽宜家燕拜賜行扶杖國鳩華燭
 輝筵春漏永試燈風裏慶添籌

